



Fem av seks tilsette var på plass då Storfjordnytt var på besøk. Frå venstre: Robert Bergerud, Jorunn Merete Hanssen, Elisabeth Nerland Vad og Caroline Bjerk Maurstad. Avdelingsleiar Linda Gjerde Myren sit fremst. Ann-Kathrin Overå Høihjelle var ikkje til stades denne dagen.

Ny logo og nytt namn, men dei same folka

MÆRINGSLIV: I 2023

vart Fjord Rekneskap del av ei større eining, Vekstra Fjord Rekneskap. No har eit nytt avdelingskontor kome til – og Vekstra Fjord Rekneskap er blitt del av Økoråd-kjeden.

Det betyr at for dei seks tilsette som til dagleg er å sjå på kontoret i Fjordhagen-bygget i Valldal blir del av ei endå større eining. Ny logo kjem opp snart, truleg i løpet av veka, og den nye logoen vil etter kvart pryde både heimeside og anna, men dei du møter når du bankar på døra på rekneskapskontoret i Valldal, vil vere dei same som tidlegare.

LITT HISTORIKK

I 2023 gjekk det som den gongen heitte Fjord Regnskap AS inn i det som inntil no har vore Vekstra Fjord Rekneskap – ei kjede som vart etablert i 2008 på Nordfjordeid. Så har dei vokse, i 2013 kom det til eit avdelingskontor i Alesund, i 2014 kom det til eit avdelingskontor på Sandane og i 2022

kom det til eit avdelingskontor i Ulsteinvik – før altså Valldal hang seg på i 2023.

Nyleg vart også det som tidlegare heitte Hornindal Rekneskap med.

Vekstra-kjeden vart stifta i 2003, den gongen var det eit samarbeid mellom 10-15 rekneskapskontor, hovudsakleg baserte i Hedmark og Oppland – og i dag er det heile 27 rekneskapskontor knytt til kjeden, med avdelingskontor i mesteparten av landet sør for Brønnøysund.

Frå 1. januar i år vart Vekstra-kjeden slått saman med Økoråd-kjeden som har ti rekneskapskontor frå Sandnessjøen og nordover. Det vil seie at den nye kjeden der alle kontor vil endrar namn til Økoråd, vil vere den største franchisekjeden eller samansluttinga av sjølveigande lokalkontor, i tillegg til det. Avdelingskontoret i Valldal skiftar såleis namn til Økoråd Fjord.

HOVUDKONTOR PÅ NORDFJORDEID

Linda Gjerde Myren som er avdelingsleiar i Valldal, fortel at kontoret i Nordfjordeid er hovudkontoret i deira del av Økoråd, Økoråd Fjord AS, eit

rådgjeving.

Og det er ikkje vanskeleg å sjå at dei jobbar digitalt når ein ser seg om på kontoret hennar – og forsåvidt dei andre kontora også: det er nesten ikkje ein ringperm å sjå.

– Eg trur vi har ei halv skap med permar, seier Linda med eit smil og seier det er ei god utvikling, ikkje minst merkar dei det godt når det gjeld papirforbruket. Det har blitt drastisk redusert dei siste åra.

I tillegg er det slik at bransjen er i vekst – og dermed kjem Økoråd Fjord AS til å lyse ut etter fleire tilsette i nær framtid.

– Om vi er heldige klarar vi kanskje å få ein søkjar som bur her inne eller som vil busetje seg her inne, seier ho.

INGEN PRAKTISKE ENDRINGER FOR KUNDANE

Linda Gjerde Myren er tydeleg på at dei ikkje hadde greidd å halde fram som liten åleine, rett og slett fordi krava til kva kompetanse eit rekneskapskontor skal ha tilgang på, har auka.

– Det er rett og slett ikkje inntening nok til å dekkje alle lovpålagte overordna oppgåver når ein er så liten som vi

var. I tillegg er ein svært sårbar når ein er få. Dessutan, ein ser det i heile bransjen at det er ein voldsam konsolidering – det er rett og slett for dyrt og krevjande å stå åleine, fortel ho.

Då ho skulle ta steget frå å vere åleine til å knyte seg til ei større eining, var det viktig for henne å kunne behalde det lokale kontoret, og då fall valet på Vekstra.

– Det er klart at det er bilegare å drive om ein er samlokalisert, men det er utruleg viktig å bevare arbeidsplassane lokalt. Og så er det viktig at vi er nær der kundane våre er, seier ho.

Og apropos kundane: ho er tydeleg på at denne endringa ikkje vil få nokon praktiske konsekvensar for kundane.

– Det vil vere eit anna namn, ein annan logo og ein annan e-postadresse, men utover det vil ikkje dette ha nokon praktisk betydning. Kundane våre vil framleis møte akkurat dei same dyktige folka som dei har gjort tidlegare, lovar ho.